

Broj: 05-14-2-1540/16-1
Sarajevo, 17.03.2016.godine

POREZNA UPRAVA FEDERACIJE BIH
SREDIŠNJI URED

Docna i Hercegovina-FEDERACIJA BOSNE I HERCEGOVINE
FEDERALNO MINISTARSTVO FINANSIJA
POREZNA UPRAVA FEDERACIJE BIH
SREDIŠNJI URED
SARAJEVO

PRIMLJENO:	06-04-2016		
Organizaciona jedinica	Klasifikaciona oznaka	Broj	Dat
13/08-02-3-731-1/16			

PREDMET: Primjena člana 3. stav (1) tačka, člana 5. stav (2) i člana 7. stav (1) tačke 15. i 22. Zakona o Poreznoj upravi FBiH, dostavlja se
VEZA: Vaš akt br 13/08-02-3-731-1/16 od 26.02.2016.godine

Poštovani,

Shodno Vašem aktu, broj i datum u vezi, a kojim se traži izdavanje stava u vezi sa dostavom podataka koji predstavljaju poreznu tajnu, te cjeneći Vaša pitanja i obrazloženje dajemo sledeći odgovor odnosno mišljenje.

1. Da li se sudovima mogu dostavljati podaci koji predstavljaju poreznu tajnu, u postupcima koji nisu u vezi sa primjenom poreznih zakona, odnosno primjena zakona iz nadležnosti Porezne uprave Federacije BiH?

Pojam porezne tajne jasno je definisan u članu 3. stav (1) tačka 4. Zakona o Poreznoj upravi FBiH („Službene novine Federacije BiH“ broj: 33/02, 28/04, 57/09, 40/10, 27/12, 7/13, 74/14 i 91/15), te su navedene i informacije i podaci koji se ne smatraju poreznom tajnom.

Zatim, u članu 5. stav (2) Zakona, navedeno je da su porezni organi i druge vladine institucije i organi u Federaciji dužni razmjenjivati informacije, te se nigdje u stavu ovog člana ne spominju podaci i informacije koji se smatraju poreznom tajnom, kao predmetom razmjene, već se odnosi na sve informacije. Stoga, porezni organ odnosno Porezna uprava Federacije je dužna razmjenjivati informacije, koje se ne smatraju poreznom tajnom, sa drugim vladinim institucijama i organima u Federaciji, kao i drugim poreznim organima (Uprava za indirektno oporezivanje BiH, porezne uprave Republike Srpske i Brčko Distrikta).

Međutim, ukoliko se vrši razmjena podataka i informacija koji se smatraju poreznom tajnom, sa gore navedenim licima, onda se isključivo odnosi na lica iz člana 3. stav (1) tačka 4. Zakona, gdje je eksplicitno navedeno kome su mogu dostaviti takve informacije.



Sud predstavlja jedan od organa kojem se mogu dostaviti informacije i podaci koji se smatraju poreznom tajnom – „organ nadležan za preduzimanje mjera i aktivnosti sa ciljem utvrđivanja poreskih obaveza, odgovornosti za poreske prekršaje i poreska krivična djela“ koji je naveden u članu 3. stav (1) tačka 4. Zakona, ali treba uzeti u obzir da se odnosi samo na podatke i informacije (porezna tajna) kojim se utvrđuje odgovornost za porezne prekršaje i porezna krivična djela.

2. Da li se za potrebe sudskog postupka, ovlaštenim sudskim vještacima mogu dostavljati podaci koji predstavljaju poreznu tajnu?

Kao što je već navedenom gore u odgovoru, podaci koji se smatraju poreznom tajnom mogu se dostaviti sudovima, na način i pod uslovima gore navedenim, a sud će proslijediti licima kojima je potrebno u sudskom postupku.

3. Da li podatak o radno-pravnom statusu fizičkih lica iz Jedininstvenog sistema registracije, kontrole i naplate doprinosa, predstavlja poreznu tajnu?

Podatak o radno-pravnom statusu fizičkih lica iz Jedininstvenog sistema registracije, kontrole i naplate doprinosa kao takav predstavlja informaciju sa kojom raspolaže Porezna uprava u svojim evidencijama i predstavlja poreznu tajnu, osim u slučaju da Porezna uprava ne posjeduje pisanu izjavu poreznog obveznika da se ti podaci ne smatraju poreznom tajnom, a u vezi sa članom 3. stav (4) alineja 1. Zakona. Istovremeno shodno članu 3. Zakona o zaštiti ličnih podataka („Službene novine BiH“ broj: 49/06, 76/11 i 89/11), podatak o radno-pravnom statusu fizičkih lica iz Jedininstvenog sistema registracije, kontrole i naplate doprinosa smatra se ličnim podatkom.

S poštovanjem,

MINISTRICA

Jelka Milićević

